

2. *Ibyapa byo ku mihanda bigomba gushingwa ku ruhande rw'iburyo bw'umuhanda ku buryo umusozo wo hasi udashobora kuba muni ya metero 1 na santimetero 50 cyangwa hejuru ya metero 2 na santimetero 10 uhareye ku butaka uretse ibyapa by'agateganyo.*

3. *Igisobanuro cy'icyapa gishobora kuzuzwa, gusiganurwa cyangwa kugenwa n'ibyapa by'inyongera bigizwe n'ibyapa by'urukiramende bifite ibigereranyo cyangwa inyandiko by'ibara ryirabura kiri ku buso bwera buzengurutse n'umurongo wirabura cyangwa wera ku buso bw'ubururu kandi bigashyirwa muni y'icyapa kibyegereye.*

#### 4.2.1. ICYICIRO CYA MBERE: Ibyapa biburira n'ibyo gutambuka mbere

##### Ingingo ya 93:

1. *Ibyapa biburira bibereyeho kumenyesha umugenzi ko hari icyago, bikerekana imiterere yacyo kandi bikamutegeka ubwitonzi budasanzwe kugira ngo imigenzereze ye ihure n'imiterere n'ububi bw'icyago cyerekanywe.*

*Naho ibyapa byo gutambuka mbere bibereyeho kumenyesha abagendera mu nzira nyabagendwa amategeko yihariye yo gutambuka mbere mu inkomane, ibyo byapa byose bishobora kugira ibyo bibuza.*

2. *Ibyapa biburira n'ibyapa byo gutambuka mbere bishushanyije ku mugereka wa mbere w'iri teka hamwe n'ibigereranyo byerekana imiterere y'icyago bimeze nka mpandeshatu ndinganire ifite ubuso bwera buzengurutse n'ibara ritukura, uretse ibapa n° A, 28,a,b, na C; A,30; A,31; B.2 a na b; B4;B5;B6 na B7a na b.*

##### Ingingo ya 94:

1. *Ibyapa biburira ibyago n'ibyapa byo gutambuka mbere bishyirwa iburyo hakurikijwe ibyerekezo abagenzi bireba baganamo bitewe n'imiterere y'aho hantu icyapa cya kabiri kimeze nk'icya mbere cyashyizwe iburyo gishobora gushyirwa ibumoso.*

2. *Ahatari mu nsisiro, ibyapa biburira n'ibyapa byo gutambuka mbere bigomba gushyirwa mu ntera kuva kuri metero 150 kugeza kuri 200 y'ahantu habi byerekana. Iyo bitewe n'imiterere y'ahantu intera itandukanya icyapa n'ahantu habi iri muni ya metero 150 ku buryo bugaragara, iyo ntera yerekanishwa icyapa cy'inyongera n° F, 1.*

##### 3. Hanyuranyijwe n'ibivugwa mu gika cya 2 cy'iyi ngingo:

- Ibyapa n°A, 22, B1 na B2 bigomba gushyirwa hafi cyane hashobotse y'amasangano byerekana, buri cyapa gishobora kubanzirizwa n'ikindi nkacyo gishizwe ku ntera irenzeho uhareye ku isangano kandi ikarangwa n'icyapa cy'inyongera n° F, 1.*
- Ibyapa n° B, 28 a, A, 28b, na B2 bigomba gushyirwa, kimwe muri metero 150 ikindi muri metero 100, ikindi muri metero 50 uhareye ku masangano y'inzira nyabagendwa n'umuhanda wa gariyamoshi.*
- Ibyapa n° B,7a na B,7b bigomba gushyirwa ku ruhande rw'iburyo bw'amasangano y'inzira nyabagendwa n'umuhanda wa gariyamoshi biranga.*

4. *Iyo ahantu icyago cyaranzwe kiri ari harehare, uburebure bw'igice cy'inzira nyabagendwa icyo cyago kirimo bushobora kwerekanwa n'icyapa cy'inyongera n° F,2.*

5. *Mu nsisiro, ibyapa biburira bigomba gushyirwa iruhande neza y'ahantu habi.*

*Nyamara, ibyapa A, 6; 11 na A, 16 bigomba gushyirwa ku ntera iringaniye y'ahantu habi kandi iyo ntera igomba kwerekanwa n'icyapa n° F,1.*

6. *Iyo icyapa kiburira gishinze aho inzira nyabagendwa irasukira, icyapa cy'inyongera kigizwe n'akarangakerekezo kirabura gashobora kwerekana icyerekezo cy'ahantu habi, iyo aho hantu hari kuri iyo nzira nyabagendwa.*